

E organisacion di Caribbean Sea Jazz Festival ta trece

Casibari Jazz Festival Aruba 2019: Dos dia di musica, cuminda & arte



E organisacion renombra di e famoso Caribbean Sea Jazz Festival (CSJF) ta presenta *Casibari Jazz Festival Aruba 2019* dianan 20 y 21 di september awor. Fanaticonan di CSJF lo reconoce e mesun ambiente musical cu artistanan manera Michael Bremon, Robert Jeand'or, Oruba cu Reno Stebo y Tania Kross cu ta canta cu Randal Corsen.



“Mi ta sumamente impresionado cu e ayudo cu nos a ricibi di nos fanaticonan, nos sponsornan, nos amigonan bo por bisa, cu pa 12 aña tabatin CSJF den nan curason y awor ta sostene nos iniciativa nobo Casibari Jazz Festival Aruba 2019”, organisador Erik Eman ta bisa.

Manera conoci e aña aki CSJF no por sigui pa falta di subsidio. E bashi cu esaki a laga atras, tambe bou musicianan local cu ta sinti falta di un stage grandi cual nan tabata por comparti cu musicianan internacional, a inspira Eman pa bin cu un alternativa.

Eman: “Aunke mas chikito y cu menos estrea internacional, Casibari Jazz Festival Aruba 2019 lo duna e publico e mesun ambiente cu artistanan riba nivel halto, cuminda y arte. E ta laga bo corda di e ambiente den e prome añanan di existencia di CSJF.”

Artistanan cu lo presenta riba diabierna 20 y diasabra 21 september ta: Tania Kross y Randal Corsen lo presenta hunto cu Dibo D y Aruban String Quartet, Tony Succar, kende ta canta cu Robert Jeand'or, Antonio Bello & Friends, Count Tutu y tambe Ará Caribbean Jazz Sextet.

Tambe Casibari Jazz Festival Aruba 2019 lo tuma lugar na Casibari Rock Formation, un lugar unico cu yen historia. Tin dos stage: Ademas e publico por disfruta di diferente cuminda n'e food court, coffee & whiskey lounge, festival di artesanía y un salsa workshop. Pa full e programa y tambe pa cumpra ticket online, bay riba casibarifestival.com.

Super Food Plaza y Casibari Music Café tambe ta bende ticket.